



Dronas rumantschas? Tgi sa? Tge che sorta da «challenge rumantsch» è anc avert. La finamira è insatge palpabel e duvrabel. MAD

## Challenge rumantsch – 25 students duain sviluppà in prototip

Il focus tschentan ins sin il process, ma i sto resortir insatge palpabel

DA CLAUDIA CADRUVI / ANR

■ **L'ETH trametta 25 students e gimnasiasts en il Parc Ela e lascha sviluppà els ideas per l'avegnir ed il rumantsch. Ma sulet cun ideas na sa cuntentan ins betg. Suentar sto resortir in prototip. Quel preschentan ins lura al proxim FEM a Tavau.** La descripziun cuntegna gronds plets e tuna bunamain in zichel ironic: «Students da l'ETH, atenziun! Vus essas envidads da sviluppà ideas ed inventar in prototip per elevar l'experiencia da la cultura rumantscha sin in stgalim pli aut. Passentai in'emna ispiranta en las Alps grischunas per che voss prototip persvadia il public al proxim inscunter dal World Economic Forum a Tavau.» 25 students e gimnasiasts èn s'annunziads e sa laschan en sin il challenge rumantsch, di il mainaproject Tobias Walser. I sa tracta d'ina truppa interdisciplinara bravamain maschadada.

### Truppa bravamain interdisciplinara

Da la partida èn students d'informatica, da biologia, d'ambient, da maschinas, da materialias e da la scienza da manaschi. Ins haja aposta tscherni participants cun in spiert avert, agiunta Walser. Pertge er

il pensum ch'ins tschenta ad els è formulà fitg avert. Tge che vegn or il davos, na sappia oz anc nagin. Il focus metta l'ETH sin il process. Per gliez han ins aposta engaschà il spin off Spark Labs ch'è spezialisà da dar furma ad ideas. Ma era sch'il process stettia en il center veglian ins avair a la fin in prototip concret. «Nus na fissan betg cuntents sche nus n'avessan il davos nagut concret», di Walser.

L'urari per il challenge rumantsch vesa ora sco suonda: Il settember sa radunan ils students e gimnasiasts a Riom. En il territori dal Parc Ela duain els vegnir en contact cun la populaziun. L'ETH ha plinavant envidà il scribent Arno Camenisch, l'intermediatur da cultura Chasper Pult, la collavuratura da la Lia Carmen Dedual e sa chapescha Giovanni Netzer che ha stgaffi a Riom entaifer paucs onns il pli enconuscent center cultural en l'intschess rumantsch. Durmir e lavurar po la gruppa en la Villa Carisch ed en la Clavadeira nua che Origen maina si teaters.

Ils inscunters, ils discurs, las experiencias ed impressiuns duain – cun entruidament da Spark Labs – manar ad ideas palpablas. Durant quel temp pon ils students era prender si contact cun

professers e docents da differentas spartas da l'ETH per discutir las ideas e per eruir la realisabladad. Ina da questas capacitads è per exempel Stefano Brusoni per management da tecnologia ed innovaziun.

### Test vi da Grischuns

L'october suonda in workshop per elavurar in u plirs prototips a Turitg e gia il november lessan ins far tests. Ils prototips vegnan suenter preschentan ad in vast publicum. Las soluziuns las pli persvadentas survegnan il ticket per sa preschentar al stan da l'ETH a chaschun dal FEM a Tavau. Challenge rumantsch vegn promovì da la Lia Rumantscha e dal club grischun da Turitg.

Fin uss aveva l'ETH sustegnì finanzialmain la professura per litteratura rumantscha a l'Universitad da Turitg. Per motivs da spargn han ins stritgà la contribuziun per la professura, ha i num tar la partiziun da comunicaziun da l'ETH. Enstagl veglian ins metter en pe different projects sco quel dal challenge rumantsch.

Infurmaziuns pli detagliadas chattan ins sin la pagina d'internet da l'ETH cun inditgar il chavazzin da tschertga «rumantsch».

## FORUM

### Himni nazional

Podà che nies himni ei empau anti-quaus e ch'il cuntegn ei forsa buc actuals al temps. Denton han valurs cristianas sur tschentaners influenzau nies far quotidian ed era sch'il bien Diu ha piars sia muntada el temps dad oz han quels tals gidau a formar quei che nus essan oz. Buca d'emblidar ch'era nies stadi da dretg sebase sin quella valetas. Jeu hai era gia ponderau schebein tut quels che contan il himni nazional ein pertscharts da siu cuntegn. Tonpli che cantar ordadora ei buc adina nossa fermezia. Schebein catolic ni reformau ei bein tuttina, impurtontas ein las valetas cristianas che vegnan descrettas el himni. Mirau ord vesta dil giurist, bein ponderau a basa dil dretg fundamental, dirigu d'in saun giudezi, podà ch'el ha raschun. Raschun ha denton era quei scribent che deplorescha che las valurs humanas e cristianas che han menau tier nossa societad hodierna ein forsa sin buna via dad ir a schmerscha e ch'ina buna purziun da nossa populaziun, cun ni senza raschun, ha tema da vegnir sut las rodas muort igl indifferentssem global e da regenzas empaladas d'in patertgar opportunistic. Tema dalla migraziun ch'inundescha l'Europa e che sefutra in quex da nossa cultura e da nosas isonzas. Quels muments ch'il sulegl matutin sesaulza la damaun marvegl egl ost per derasar ses radis scaldonts sur la tiara. Quels muments pon esser aschi savieivels e forsa saluteivels sco tut ils paragrafs che duessen proteger la natira e tschentan las organisaziuns digl ambient

sur las structures da nies stadi. Che negin vul capir perquei ch'igl ei vegniu cumpliau senza fin e misericordia. Ni ils dogmas che vegnan citai da tals che han piars tutta relaziun tiel mund dad oz e che viavan en palasts e castials.

Pertgei buca vegnir pertscharts in mument da nies creatur ch'ei en 10 artechels staus capavels da formular sin ina tabla da crap tonta verdad ch'ei necessaria per la convivenza. Nies bien Diu ni era tgi ch'el po adina esser, che ha regalau a nus quella biala tiara. Che ha regalau a nus la forza e la curascha da luvrar e da cultivar quella ed igl intelletg d'haver quita da quella. Quei mument che quei sulegl embratscha cun tut sia pumpa tutta natira, tutta miseria, l'entira tiara sco ils geniturs ni tattas e tats ch'embratschan lur affon ni lur biadi per consolar el e per dar ad el niev anim pil cuntinuau viadi atras quei mund curios ch'ei sin buna via da piarder tuttas valurs cristianas. Valurs da convivenza, valurs da cuminonza e respect vicendeivel. Il cuntegn da nies himni nazional po esser antiquaus, el po denton leventar in tec amur pil creatur ch'ei beinvulents a nies destin senza che nus seigien pertscharts da quei fatg e che nus essan magari pauc engrazieivels persunter. Lein pia mirar la damaun marvegl cun egl avert el tschiel serein ni ella tschaghera che tila dallas vals enasi e selegrar dil sulegl che scaulda e fa bein e lein cantar da quei misteri da bellezza che circumdat nus di per di.

Ervin Maissen, Mustér

### Pli vegl um da Bravuogn è mort

■ (rtr) **Arpen Huder-Hermann da Bravuogn è mort ils 9 d'avust en la vegliadetgna da 101 onns. L'annunzia da mort è vegnida publicada venderdi.** Arpen Huder è creschì si a Bravuogn cun sia sora Uta e ses frar Aldo.

Suenter la scola chantunala a Cuira ha el fatg l'empredissadi sco tecnicist da la construcziun bassa. A Tusaun ha el lavurà tar ina firma che construescha vias.

Durant la Segunda Guerra mundiala ha el fatg servetsch ad Utzensdorf en il chantun da Berna sco observader da

l'aviazion. Cun 35 onns è el daventà posttenent, sco successur da ses bab ch'era i en pensiun.

### Engaschi public e sportiv

Arpen Huder è era stà president communal da Bravuogn, quai durant ils onns 1957–1963. Arpen Huder aveva survegnì il vischinadi da Bravuogn dasperas quel da Fuldera. Fin avant circa diesch onns fascheva el anc regularmain il maraton da l'Engiadina.

Sin tiara eis ti pelegrin, negin che sa cu Pura dat.  
Mo tegn en egl tiu ver destin, Tei spetga la perpetnadad.  
sur Giuseppe Durschei

### Annunzia da mort

Profundamein contristai stuein nus annunziar la mort anetga e nunspitgada da

### sur Ignazi Pally

4. mars 1940 † 10. uost 2017

Nus engraziein da cor a sur Ignazi per siu grondius engaschi da plirs decennis en num da Niessegner e siu survetsch cristifideivel en nosas pleivs. Nus giavischein ad el ina veta cumplenida el mund celestial.

En profunda malencurada,  
las pleivs da:  
Ladir  
Rueun / Ruschein / Siat / Pigniu  
Sevgein / Castrisch / Riein

La sepultura ha liug gliendisdis, ils 14-8-2017 allas 10.00 en la baselgia Santi Nazario e Celso a Corzoneso / Val Blegn TI.



Sie hatte ein schönes Leben.  
Sie hatte ein langes Leben.  
Sie sagte ... So ist das Leben... ein Traum

Gott legte den Arm um sie und sagte ... komm heim.  
Nach einem langen Leben mit viel Liebe für die Familie wurde unsere Mama, Tata, Gotta, Tanta und Schwägerin von ihren Altersbeschwerden erlöst.

### Abschied und Danksagung

### Luisa Caminada-Caduff

5.5.1919 bis 9.8.2017

#### Traueradresse:

Caminada Pauli  
Via Mulin 1  
7168 Schlans

Alice und Jennifer Casanova  
Via Campeun 41  
7403 Rhäzüns

#### In stiller Trauer:

Pauli Caminada, Sohn  
Alice Casanova-Caminada  
und Rogerio Salgueiro, Tochter  
Jennifer Casanova, Enkelin  
Verwandte und Bekannte

#### Herzlichen Dank an:

– Gian Bundi  
– Dr. Martin Tomaschett  
– Pfarrer Dr. Tomasz Piotr Drwal  
– Da Casa Val Lumnezia, Abteilung Fontaniala  
– Den lieben Nachbarn von Schlans

Die Urnenbeisetzung findet am Dienstag, 15. August, um 14.00 Uhr in der Kirche in Schlans statt.

**Uschè fitg ha Dieus charezzà il mund, ch'el ha dà  
nà ses unic Figl, sinaquei che scadin che crai en El  
na giaia betg a perder, mabain haja vita perpetna**